



Na osnovu čl. 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04), člana 14. Odluke o izvršavanju Budžeta Općine Centar Sarajevo za 2026. godinu (Službene novine Kantona Sarajevo, broj 52/25), tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24), člana 8. Pravilnika o finansiranju/sufinansiranju organizacija u sportu osoba sa invaliditetom (Službene novine Kantona Sarajevo, broj 15/25) i Odluke o pokretanju postupka raspisivanja i provođenja Javnog poziva, broj: 13-11-3666/26 od 01.06.2026. godine, Općinski načelnik upućuje

**JAVNI POZIV
za finansiranje/sufinansiranje organizacija u sportu osoba sa invaliditetom u
2026. godini**

I OPIS PROGRAMA

Cilj finansiranja/sufinansiranja sportskih organizacija je unapređenje sporta osoba sa invaliditetom, podrška njihovom uključivanju u sportske aktivnosti i takmičenja, kao i osiguranje adekvatnih uslova za rad.

Sredstva obezbjeđena u Budžetu Općine Centar za ovu namjenu raspoređivat će se za sljedeće namjene:

- a) organizovanje i provođenje sportskih takmičenja osoba sa invaliditetom;
- b) zastupanje i predstavljanje sporta za osobe sa invaliditetom;
- c) pripremanje i nastupanje klubova i državnih reprezentacija na zvaničnim domaćim i međunarodnim takmičenjima osoba sa invaliditetom;
- d) edukativne programe i sadržaje koji će doprinijeti razvoju svijesti i značaju uključivanja osoba sa invaliditetom u sportske aktivnosti;
- e) organizaciju sportskih turnira i manifestacija za osobe sa invaliditetom.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH

Ukoliko se utvrdi da sredstva predstavljaju državnu pomoć u smislu propisa o državnoj pomoći, ista će se dodijeliti u skladu sa relevantnim propisima, uključujući pravila o de minimis pomoći.

II PRAVO NA DODJELU SREDSTAVA mogu ostvariti sportske organizacije koje ispunjavaju sljedeće uslove:

- a) da su registrovane kod nadležnog organa;
- b) da imaju jasno definisane ciljeve u oblasti sporta osoba sa invaliditetom;
- c) da posjeduju iskustvo u realizaciji sportskih aktivnosti i takmičenja za osobe sa invaliditetom;
- d) da programskim aktivnostima obuhvataju osobe sa invaliditetom sa područja općine Centar Sarajevo.

III TRAJANJE JAVNOG POZIVA I NAČIN PODNOŠENJA ZAHTEJEVA

Javni poziv se objavljuje na web stranici Općine i ostaje otvoren 30 dana od dana objavljivanja.

Sredstva za finansiranje/sufinansiranje sportskih organizacija dodjeljivat će se na osnovu podnesenih zahtjeva. Zahtjev sa dokumentacijom podnosi se u zatvorenoj koverti službi nadležnoj za sport putem protokola Općine Centar Sarajevo ili preporučeno putem pošte na adresu:

Općina Centar Sarajevo
Služba za obrazovanje, društvene djelatnosti, kulturu i sport
Mis Irbina 1
71000 Sarajevo

sa naznakom „Javni poziv za finansiranje/sufinansiranje organizacija u sportu osoba sa invaliditetom u 2026. godini – NE OTVARATI“.

Sve dodatne informacije o načinu i postupku prijave na Javni poziv mogu se dobiti putem maila: sport@centar.ba ili na brojeve telefona: 033/562-395, 562-384, 562-360.

IV POTREBNA DOKUMENTACIJA

Podnosioci zahtjeva obavezni su dostaviti sljedeće dokumente (original ili ovjerene kopije):

- a) izvod iz upisa u registar udruženja (ne stariji od 6 mjeseci);
- b) statut organizacije;
- c) program rada i plan aktivnosti za tekuću godinu;
- d) finansijski plan za predložene programske aktivnosti;
- e) potvrda poslovne banke da račun nije blokiran iz kojeg se vidi broj transakcijskog računa;
- f) izjava o primljenim de minimis potporama.

V VISINA NOVČANIH SREDSTAVA

Ukupan iznos sredstava planiranih za ovu namjenu u Budžetu za 2026. godinu iznosi 20.000 KM.

Za odobrene programe izdvojiti će se finansijska sredstva u minimalnom iznosu od 3.000,00 KM, do maksimalnog iznosa od 10.000,00 KM.

Općina zadržava pravo korekcije predloženih budžeta ili djelimičnog finansiranja predloženih aktivnosti (sufinansiranja).

Ukoliko je iznos traženih sredstava manji od minimalnog iznosa, Općina će finansirati stvarni iznos programa.

VI KRITERIJI ZA DODJELU SREDSTVA

Odabir predloženih programa vršiti će se na osnovu sljedećih kriterija:

- a) broj aktivnih članova i sportista sa invaliditetom;
- b) učešće u domaćim i međunarodnim takmičenjima;
- c) vrsta i broj realizovanih projekata/programa u oblasti sporta osoba sa invaliditetom.

VII POSTUPAK DODJELE SREDSTAVA

Podnesene zahtjeve razmatra Komisija za provođenje postupka odabira sportskih organizacija koju imenuje Općinski načelnik.

Komisija za provođenje postupka će nakon razmatranja prijava dostaviti Općinskom načelniku prijedlog Odluke o odabiru korisnika.

Općinski načelnik će na osnovu prijedloga odluke objaviti preliminarnu listu odabranih korisnika.

Podnosioci zahtjeva mogu u roku od osam dana od dana objavljivanja preliminarne liste podnijeti pismeni prigovor Komisiji za razmatranje prigovora koju imenuje općinski načelnik iz reda državnih službenika. Svaki član Komisije će biti isključen iz postupka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

Odluku o prigovoru, Komisija će donijeti u roku od osam dana, računajući od dana njegovog podnošenja. Nakon donošenja konačne odluke, Općinski načelnik će sa odabranim korisnicima potpisati ugovor o raspodjeli sredstava, kojim će se detaljno odrediti prava i obaveze ugovornih strana. Korisnici sredstava dužni su dostaviti Izvještaj o utrošku sredstava u roku koji će biti određen ugovorom.

Korisnik sredstava se obavezuje da unutar svake aktivnosti promoviše i ističe podršku lokalne zajednice.

Prihvataju se troškovi koji su nastali u periodu od 01.01. do 31.12. u godini u kojoj je Javni poziv objavljen, ukoliko su u vezi sa odobrenim programom.

Općina Centar neće razmatrati zahtjeve koji:

- nisu dostavljeni u roku naznačenom u Javnom pozivu;
- nemaju formalne uslove za kandidovanje programa (nepotpuna ili netačna dokumentacija);
- su predloženi od sportske organizacije koja nije dostavila izvještaj o namjenskom utrošku sredstava dodijeljenih iz Budžeta Općine;
- podržavaju rad političkih stranaka;
- nemaju ključne informacije o programu.

OPŠTINSKI NAČELNIK

Srdan Mandić

Broj: 13-11-3666/26
Sarajevo, 01.06.2026. godine



